



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Caput VII. Idem (a) Brixiensis Episcopo.

---

[urn:nbn:de:hbz:466:1-74526](#)

dicitur cap. Episcopus 6. 71. dicitur. unde tot sacris Ecclesiæ canonibus prohibitum legimus Episcopis, Presbyteris, Diaconis, & Subdiaconis, accedere ad uxorem jam relictam, & sequestratam. Concil. Turon. 2. sub Joanne III. can. 14. Episcopum Episcopam non habentem nulla sequitur turba mulierum. Et cap. 20. Si inventus fuerit Presbyter cum sua Presbytera, aut Diaconus cum sua Diaconisa, aut Subdiaconus cum sua Subdiaconissa, per annum integrum excommunicatus habeatur. Concil. Altissiod. can. 21. ibi: Ne Presbytera cum suo Presbytero dormiat. Et cap. si quis raperit 27. quæst. 1. quibus Conciliorum decretis lucem afferit historia Ursicini Episcopi, qui à tempore accepti ordinis presbyteram suam ut sororem diligens, sed quasi hostem cavens, ad se propius accedere non sinebat, ut refertur in cap. presbyter, 32. dist. In eodem etiam sensu accipendum est decretum Zachariae Papæ de Presbytera, Diacona, Nona, Monacha nefario coniugio minime copulandis. Vocabantur ergo Episcopo, Presbytera, Diaconissa, Subdiaconissa, quæ nomine alio, relicta Episcopi, Presbyteri, Diaconi, Subdiaconi dicuntur in Concilio Aureli. 1. can. 13. Altissiod. can. 22. Epau. can. 32. & aliis. Debebant ergo olim uxores Episcoporum, Presbyterorum, Diaconorum, Subdiaconorum castitatem vovere antequam earum mariti sacris ordinibus initiantur; itemque vel monialium cœtu aggregari, vel in Diaconislarum ordinem adlegi solebant: quod Synodus 6. can. 42. apertere ostendit ibi: Uxor ejus, qui ad Episcopalem dignitatem promotus

est, communis sui viri confessi prius separata, postquam in Episcopum ordinatus est, ac consecratus, monasterium ingreditur, procul ab Episcopi habitacione fructum, & Episcopi providentia fruatur; sin autem digna visita fuerit, etiam ad Diaconatus dignitatem provehetur. Exemplis etiam id illustrat Hallier. de sacris elect. cap. 2. §. 6. fol. 503, sed ex novo jure presentis textus uxor Episcopi debet necessariò religionem ingredi, tum ob sanctiorem mariti vitam, tum ob ejus maiorem dignitatem, Uxores autem relicta, tam ab Episcopis, & Presbyteris, quam à Subdiaconis, quia castitatem promittebant, etiam defunctis maritis ad secundas nuptias transire non poterant. Concil. Aureli. 1. can. 13. Si se quacunque mulier duplice coniugio Presbyteri, vel Diaconi, relicta conjunxerit, aut castigati separantur, aut certè si in criminum intentione perficerint pari excommunicatione plectantur. Concil. Altissiod. can. 22. Non licet relicta Presbyteri, nec relicta Diaconi, nec Subdiaconi post ejus mortem maritum acciperet. Epau. can. 32. Relicta Presbyteri, sive Diaconi, si cucumque supserit, catenus ab Ecclesia elongentur, donec à conjugatione illicita separantur. Concil. Brachar. 1. can. 19. Vixna Episcopi, Presbyteri, Diaconi, si maritum acceperit, nullus clericus nulla religiosa cum ea convivium sumat, nunquam communicet, nisi moriens. Tolet. 1. can. 18. Earum tamen matrimonium validum fuisse, quia votum castitatis ipsarum tantum simplex erat, non vero solenne, recte probat ex Concil. Tolet. 1. can. 16. Basili. de marrib. lib. 7. capite 25. num. final.

## C A P U T VII.

## Idem (a) Brixienſe Episcopo.

**E**X publico instrumento, quod nobis est præsentatum, & ex tenore literarum tuarum nobis innotuit, quod cùm venerabilis frater noster Veronen. Episcop. de mandato nostro causam matrimonii, quæ inter Agelaten. virum, & Matthemiam mulierem vertebar, suscepisset fine canonico terminandam, auditis utriusque partis allegationibus, inter eos judiciali sententiâ matrimonium approbabit, & eidem mulieri præcepit, ut ad virum suum redire, & exhibeteret conjugalem affectum. Verum cùm eadem mulier ad eum juxta sententiam prædicti Episcopi regredi nollet, de mandato nostro, sicut accepimus, fuit vinculo excommunicationis adstricta. Coeterum, quia præfata mulier, licet à præfato viro desponsata fuerit; adhuc tamen, sicut afferit, ab ipso non est cognita: f. t. p. A. f. p. m. quat. si prædictus vir mulierem ipsam non cognovit carnaliter, & eadem mulier, sicut ex parte tua nobis proponitur, ad religionem transire voluerit, recepta ab ea sufficienti cautione, quod vel ad religionem transire, vel ad virum suum redire infra duorum mesium spatum debeat, ipsam contradicere. & ap. cessare sententia, quæ tenetur, absolvias. Ita quod si ad religionem transire maluerit, uterque restituat alteri, si qua (b) alter ab altero habuerit; & vir ipse, eâ religionis habitum assumente, ad alia vota licentiam habeat transeundi. Sanè quod Dominus in Evangelio dicit: Non licet viro uxorem suam, nisi ob causam fornicationis dimittere; intelligendum est secundum interpretationes Sacri eloquii, de his, quorum matrimonium est carnali copula consummatum, sine qua matrimonium consummari non potest; & ideo si prædicta mulier non fuit à viro suo cognita, licitum est ei ad religionem transire.

## N O T A E.

(a) **B**rixienſe.] Ita legitur in prima collectione, sub hoc tit. c. 7. & post Concil. Lat. p. 5. c. 8. ex quibus collectionibus textum hunc tranſcribo. De Brixienſi diocesaliqua notavi in c. tue, de procur. D. D. Gonzal. in Decretal. Tom. III. Pars II.

(b) **A**b altero habuerit.] Consonat Capitulo re Ludovici addit. 3. capite 20. ibi: Si sponsus vel sponsa intraverit monasterium, id quod arrarum nomine datum est, in simplicem tantum redatur.

Nnn

datur

datur. Et jure etiam civili, cum matrimonium consummatum erat, idem procedebat, ac si solutum esset matrimonium per mortem, *novel. 22. Justin. cap. 5. ibi: Breve solatum consequente eo, qui relietus est, ut propter restitutionem dotis, vel propter numerus donationis retentionem id lucretur, de quo convenit in casu mortis.* Non autem lucratur, inquit *Justinianus*, id, de quo convenit in casu repudi;

quia haec conjugii dissolutio potius ad mortem accedit, quam ad repudium, cum religiosus mortuo mundo dicatur, *cap. placuit 16. quæst. 1.* De dole lucris dotalibus, arris, & jocalibus restituendis soluto matrimonio rato, seu consummato, per ingressum religionis, agunt Tonditus *tom. 1. resol. benef. cap. 16. num. 7. Zypæus ad hunc tit. confult. 1.*

## CAPUT VIII.

Idem G. Priori, & Fratribus (a) S. Ioannis.

**V**Xoratum autem sine licentia propriæ uxoris inter vos nullatenus recipiatis, quæ integræ famæ, & opinionis ita existat, quod nulla marito (b) suspicio habeatur, eam ad secunda vota velle migrare, vel quod minus continentur debeat vivere: quæ si, prout dictum est, talis extiterit, marito ejus in consortio vestro recepto, ipsa publicè in conspectu Ecclesie continentiam professa, in domo propria cum filiis suis, familiaque poterit permanere. Si autem talis fuerit, quæ suspicione non careat, voto continentia celebrato à secularium hominum conversatione se removeat, & in loco religioso, ubi Deo serviat, perpetuò commoretur. Nullus vestrū audeat aliquam mulierem tonsurare, vel eam ad (c) habitandum secum assumat.

## NOTÆ.

(a) **S**ancti Joannis.] Ita etiam legitur in prima collectione, sub hoc titul. *cap. 8.* ubi additur, pars capit. ad petitionem: post Concil. Later. p. 5. *cap. 9.* legitur *Alexand. III. Priori G. & Fratribus* iuxta disciplinam bone memorie Electi viventibus. Et in cap. ad petitionem, de regul. in 1. collect. ubi extat prior pars hujus textus, legitur, *Alexander III. Cruciatu.* Quæ omnia mirè convenient, si obseruenus, congregationem Cruciatorum, seu Cruciferorum, sic dictam fuisse à cruce, quam religiosi manibus circumferunt; institutam à Sancto Cleto Pontifice anno Christi 83, quæ renovata fuit à sancto Cyriaco Episcopo Hierosolym. post inventam Christi crucem à sancta Helena Constantini Imperatoris matre, anno plus minusve 358. Item ab Urban. II. anno 1087. ab Alexander III. & Cœlestino III. anno 1197. & ab Innoc. III. sed præterim à Pio II. in Concilio Mantisano anno 1460. Hujus Pontificis decreto ferunt Cruciferi manibus cruces argenteas, & alicubi in pectore ex albo, & rubro panno. Utuntur etiam habitu caruleo, & servant regulam sancti Augustini. Priscis seculis habuerunt plusquam ducenta monasteria per Hispaniam, Galliam, & Germaniam, Dalmatiam, & Græciam; nunc intra Italiam continentur. Plura de his Cruciferis tradunt Marcus Ant. Boldus, & Benedictus Leo historici ejusdem familie. Baronius *tom. 1. anno 93.* & in *Martyrol. die 27. Aprilis.* Acufia in *cap. generalis 12. 54. dist.* Unde rectè inscriptio textus in dict. cap. ad petitionem, ita concipitur, *Alexan-*

*der III. Cruciatu.* Et à Pontifice approbatur, & commendatur eorum Religio per hæc verba: *Ad petitionem vestram, regulam, secundum quam vivere debeatis, & omnipotenti Deo servire, duximus continentiam.* In primis id statuentes, ut professionem majori Priori faciant omnes laici in manu ejus, se abique proprio vieturos promittentes, & continentiam, in quantum permisit divina gratia, servare. Quiquidem, & tam clerci, quam laici, proprio Magistro, animalium suarum Rectori debitant in omnibus reventiam promittant, nec alio inter vos professo licet ad aliud Ordinem absque Prioris licentiaullo modo transire, nisi forte ad Religionem migraverit arctorem. Nullus abique majoris Prioris licentia obligatus audeat facere; nullus proprium habeat: siquid acquisierit, suo Rectori assignet: nullus vestrum ali vobiscum esse volenti crux tribuat, sed per medium annum integrum vobiscum in probatione permaneat, & tunc majori Priori presentetur, ut ab ipso, non ab alio crucem suscipiat. Et in dict. *cap. 9. p. 5.* post Concil. Later. rectè habetur, *Priori G. Giraldo videlicet, & fratribus juxta disciplinam bone memorie Electi (lege Clei) viventibus.* Quia fratres isti regulam à B. Cleto institutam profitebantur: Monasterium autem S. Joannis, cuius mentio hic fit, erat ipsorum Cruciatorum; unde facilè deducitur, in praefenti agi de ipsius religiosis cruciatis.

(b) *Suspicio.*] Juxta tradita in *cap. 1. hoc tit.*

(c) *Habitandum secum.*] Juxta adducta supra in *cap. 6. de regul.*

CAPUT